

America Meridionalis.

Regio.

Situs.

Castella aurea.

Unde dicta.

Situs.

Caeli & Soli
qualitas.

Urbes.

Flumina.

Popaiana regio.

Situs.

Peruvia.

Unde dicta.

Situs.

Soli qualitas.

Sequitur *America Meridionalis* sive *Peruana*, inter quam & Hispaniam novam terræ spatium ad latitudinem decem & octo milliarium interest. Propter quam regio *Peruana* Insula esse desinit: diciturque *Provincia Dariena*, mutato nomine a magno fluvio *Dariene*. Porro *America* omnis *Meridionalis* pyramidalem formam habet: cujus basis prope Isthmum est, Boream versus: vertex sive cuneus sensim extenuatus ad Magellanicum Fretum versus Polum Antarcticum desinit in acumen, gradibus pene LIII dissidens ad Æquatore. Ad Ortum alluitur Mari quod vocant *del Nort*: ad Occasum Mari *del Sur* sive Pacifico. Regionem omnem a Borea in Austrum montes secant. Ambitus est sedecim millium milliar. Partes ejus multæ: sed præcipuæ hæc quinque: *Castella aurea*, *Popaiana*, *Peruvia*, *Chile*, & *Brasilia*. *Castella aurea* *Castiglia del oro* nomen accepit ab Auri maxima quo abundat copia. Iuxta Isthmum sita est, quo pars Australis Boreali connectitur. Latitudo Isthmi est LXXI I, milliar. Est autem hæc terræ pars male habitata, ac parum culta ob inclementiam Cæli, ac stagnantes aquas. Estque earum rerum quæ ad annonam spectant minime ferax, tametsi bis terve in anno colligant suum *Mai*. Urbes duæ sunt, *Nombre de Dios* ad Mare del Nort, & *Panama* ad Mare del Sur. Fluvios habet auriferos, & mineralia, unde facilitate propemodum incredibili, Auri vis ingens extrahitur.

Popaiana regio incipit a parte Septentrionis ad urbem Antiochiam, desinitque ab australi parte ad urbem Quito. Itaque a Septentrione terminatur ad fines *Castellæ aureæ*, a qua separatur in urbe Antiochia. A Meridie vero *Peruanæ* Regioni vicina est, indeq; disjungitur urbe Quito; ab Ortum distinguitur regno novæ *Granatæ* *Transandeno*, & *Peruana* regione, quæ inde incipit, Orientem versus. Ex parte Occidentis jungitur mari Australi. Regio hæc montibus excelsis, horridis & admirandis prædita est.

PERWIA Regio totius novi Orbis nobilissima, tota fere intra Æquatorem & Tropicum Capricorni clauditur. Nomen accepit a Portu & Flumine cognomine. Suntque fines ejus a Septentrione Nova *Granata*, *Castella aurea* & *Peru* Fluvius ac Portus: ab Occasu est Oceanus seu *Mar del Zur*: a Meridie *Chili* provincia: & ab Ortum Montes; occupatque Longitudine sua mille & octingentas leucas. Hæc autem dividitur hodie in tres partes juxta regionis situm: in planitiem: in *Sieras* seu Montes: & in *Andes* seu *Ultramon-*
tanam. Planities *Peruviæ* juxta maritimam oram expanditur milliaribus propemodum CIOIO Ital. Ejus latitudo major ad LX accedit. Est autem hæc pars arenosa, solitudinibus frequentibus deformis, ac majori ex parte sterilis. Sunt tamen in ea agri permulti circa Fluminum ripas viriditate ac fecunditate læti, fluviorum utili perfusu ac inundatione irrigari: unde *Gossypii* varii coloris, & omne Frumenti genus copiose reddunt. *Montana* regio longo extenditur tractu a Septentrione ad Meridiem mille circiter leucis, & aliquibus in locis minus.

Sunt